

矣

達真子曰有欲者外也朴之散也無欲者內也朴之聚也故曰我無欲而民自朴前曰以無為取天下蓋由此而見矣非體道之盡者孰能與此

黃茂材曰上古之時民如標枝然昧昧而行安有忌諱權謀不作安有利器完居坏飲安有伎巧不知君臣上下之分安有法令大樸既散人偽日長至於商周之末極矣忌諱尚而民彌貪利器用而國家昏伎巧工而奇物起法令煩而盜賊充斥聖人將欲舉天下而返於淳樸之俗亦豈有他術哉清靜無為無所事而去其欲而已

道藏輯要

道德真經 彭鶴林集註

真

心集七

程大昌曰其曰聖人云者古有是語而老子援以自証也

其政悶悶章第五十八

其政悶悶其民漙漙其政察察其民缺缺

御註曰在宥天下下知有之而無欣欣之樂

碧虛子陳景元曰法令滋彰盜賊多有故人則凋弊

道真仁靜先生曹道冲曰悶悶如天道昏昏默默任其自然

察察者政教煩細民多犯之故缺缺也

清源子劉驥曰悶悶者不徇於物而恬淡無為也察察以智

治國也

黃茂材曰昏昏默默至道之極窈窕冥冥至道之精而以察

察爲政者豈足語道哉故曰水至清則無魚人至察則無徒  
禍兮福所倚福兮禍所伏孰知其極

御註曰昭昭生於冥冥有倫生於無形德慧術智存乎疾疾  
高明之家鬼瞰其室知時無止知分無常知終始之不可故  
則禍福倚伏何常之有

碧虛子陳景元曰若有道之君守之以清靜任之以自然不  
利貨財不近貴富不樂壽不哀天不榮通不醜窮不拘一世  
之利以爲己私分不以王天下爲己處顯如是則禍福倚伏  
於何而有

陸佃曰天之肇降生民而其福至於涓涓其禍至於缺缺豈

道藏輯要

道德真經  
彭鶴林集註

毫

心集七  
川文三

有他哉繫一人之政而已故禍兮福所倚福兮禍所伏

清源子劉驥曰其民缺缺則民始惑亂無以反其性情而復  
其初則禍福倚伏千變萬化而未始有極也

其無正邪

碧虛子陳景元曰禍福倚伏豈無正邪必有正耳在乎有道  
之君無爲無事忘形忘物而後正耳若有心爲正其正必復  
爲奇矣有心爲善其善必復爲祲矣謂下文也

陳象古曰言物未嘗不存於正道也

正復爲奇善復爲祲民之迷也其日固已久矣

御註曰通天下一氣耳今是而昨非先迤而後合神奇臭腐

相爲終始則奇正之相生祇善之更化乃一氣之自爾天下之生久矣小惑易方大惑易性自私之俗勝而不明乎禍福之倚伏且復察察以治之民安得而反其真乎

碧虛子陳景元曰嗟薄俗不能自正自善而乃矯真爲正逆性爲善而反爲奇爲祇迷惑不悟其所由來固已久矣

頴濱蘇轍曰天地之大世俗之見有所眩而不知也蓋福倚於禍禍伏於福譬如晝夜寒暑之相代正之爲奇善之爲祇譬如老稚生死之相繼未始有正而迷者不知也夫惟聖人出於萬物之表而覽其終始得其大全而遺其小察視之悶悶若無所明而其民涓涓各全其性矣若夫世人不知道之

道藏輯要

道德真經  
彭鶴林集註

稟

心集七

全體以耳目之所知爲至矣方且自以爲福而不知禍之伏於其後方且自以爲善而不知祇之起於其中區區以察爲明至於察甚傷物而不悟其非也可不哀哉

臨川王安石曰種種分別遂生妄想

黃茂材曰禍福奇正祇善之在天下如循環然孰知其極易稱惟聖人能知進退存亡况夫禍福之倚伏奇正之相生祇善之更化豈世人所能知哉故曰久矣

是以聖人方而不割廉而不劌直而不肆光而不耀

御註曰聖人所以正天下者何哉如斯而已

碧虛子陳景元曰劌作穢濁穢也有道之君率性清廉使物

之自化耳而不以己之潔白揚彼之污但使物知勸而洗除穢濁矣自此以上皆悶悶之政非察察之治也古作劇傷也言聖人廉以自清而不以刑物使傷也

頴濱蘇轍曰知小察之不能盡物是以雖能方能廉能直能光而不用其能恐其陷於一偏而不反也此則世俗之所謂悶悶也

臨川王安石曰聖人無方無隅故方而不割崖岸而不畏故廉而不劇大直若屈故直而不肆用其光復歸其明故光而不耀

陸佃曰不割彼以爲方不劇彼以爲廉不肆彼以爲直不耀

道藏輯要  
彼以爲光

道德真經  
彭鶴林集註

真 心集七  
川七上

道真仁靜先生曹道沖曰不以廉而彰人之穢不以潔而明人之污

葉夢得曰民日迷於其間而弗悟聖人固當有以救之是故方而不割則有全者存廉而不劇則有質者存直而不肆則有屈者存光而不耀則有晦者存是以閉而不盡用爲悶而不爲察者也

清源子劉驥曰此四者皆悶悶之政非察察之治使民去智與故循天之理

黃茂材曰夏商以來士守一介不見道之大全方則必割廉

則必劇直則必肆光則必耀如伯夷叔齊尾生申徒狄之徒而遂至於害性傷生亦可悲矣老子時爲柱下史非不方也廉也直也光也而人莫知其爲老子者不割不劇不肆不耀焉爾故能樂其全

程大昌曰廉者物之稜也陛廉之廉是也旣曰廉則遂有芒角鋒刃矣

### 治人事天章第五十九

治人事天莫如嗇夫惟嗇是以早復早復謂之重積德重積德則無不克無不克則莫知其極莫知其極可以有國有國之母可以長久

道藏輯要

道德真經  
彭鶴林集註

享

心集七  
川口三

御註曰聰明智識天也動靜思慮人也適動靜之節省思慮之累所以治人不極聰明之力不盡智識之任所以事天此之謂嗇

涑水司馬光曰嗇者省嗇精神也早復者不遠復也不遠而復不離於德可以修身

頴濱蘇轍曰凡物方則割廉則劇直則肆光則耀唯聖人方而不割廉而不劇直而不肆光而不耀此所謂嗇也夫嗇者有而不用者也世患無以服人苟誠有而能嗇雖未嘗與物較而物知其非不能也則其服之早矣物旣已服歛藏其用至於沒身而終不試則德重積矣德積旣厚雖天下之剛強